

Сәәнәр көдлджәнә

Яшалтинск района «Победа» колхозин гурвдгч бригадт Дорджинов Мазай Семенович дархн болдж, үнн седклән тәвдж, даалгъван тургәр күцәхин төлә шундж көдлджәнә.

Бичкнәсн авн өссн-боссн, сургъуль сурч йовсн Төрски Хальмг республикдән ирсн Дорджинов үзмджтә көдлмшәрн оln колхозникуд дундан тоомсрта дархна нер зүүв.

— Ынъгрсн джил күч-көлснә 700 өдр олсн болхла, эн джилд мана энъкр партин

килмджин хәрүд улм сәәнәр көдлдж, түүнәсн үлү күч-көлснә өдрмүд олдж, колхоздан ик дөнъгән күргсн деерән, эврәннь оругъан улм икдүлдж, бәәдл-джиргълән сәәхрүлдж ясхв, — гидж Мазай келнә.

Эн колхозд ирсн цуг өрк-бүлмүдин ухан-седкл Дорджиновин уханла ниилдж, колхоздан чидлән өгч көдлдж, колхозиннь оln-зүсн эдл-ахугъинь улм өөдлүлхин төлә зүткдж йовцхана. Эдн цуг эврәгертә, үкртә, хөөтә болцхав.

Н. КАРПУН.